

HAMDIJA AVDIĆ:

Poštovani predsjedavajući, poštovana predsjednice Federacije, potpredsjednici i prisuti ministri, kolege i kolegice, na sjednici Vlade 26.6.24. usvojen je Nacrt zakona o privatnom javnom partnerstvu. Na sjednici u januaru 25. usvojen je nacrt zakona. Znamo da je vođena javna rasprava koja je trajala 60 dana. Pitanje je:

- Gdje je zapeo Nacrt zakona o privatnom javnom partnerstvu i zbog čega se nije uputio u parlamentarnu proceduru, iako je od javne raspave prošlo nekih više od šest mjeseci?

Drugo pitanje je:

- U kojoj je fazi brza cesta koja se pravila u USK Bihać – Cazin – V. Kladuša?

Hvala.

PREDSJEDAVAJUĆI:

Hvala lijepo. Uvaženi ministar Adnan Delić.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 06-11-2025			
Org. jed.	Broj	Priloga	Vrijednost
05/1	- 02 -	624	/25

ADNAN DELIĆ:

Zahvaljujem predsjedavajući, pozdravljam sve zastupnice i zastupnike.

Imao sam nekoliko pitanja.

Krenuću redom, kolegica Kenela Zuko je postavila pitanje (standardno je izašla iz sale, ali nema veze).

Pitanje se odnosilo na izmjene zakona, odnosno inicijativu koju su pokrenule organizacije osoba sa invaliditetom na nivou Federacije Bosne i Hercegovine. U zadnjem održano sastanku smo se dogovorili da ćemo razmotriti inicijativu da osobe sa invaliditetom mogu zasnovati radni odnos, a da pritome ne izgube pravo na porodičnu penziju, odnosno na nasljedstvo penzije od svojih roditelja.

I evo, potrudit ćemo se da ova inicijativa na neki način pronađe pravi put i do Parlamenta, jer mislim da osobe sa invaliditetom trebaju, znači, da dođu na slobodno tržište rada, zasnuju radni odnos, bez da izgube pravo da naslijede, znači, penziju, jer time ništa ne gubimo, dobijamo to da imamo aktivne i korisne članove društva i da imamo, znači, popunjeno tržište rada, posebno kad su osobe sa invaliditetom u pitanju.

Kolega Salko Zildžić također je postavio pitanje i također nije tu u sali, ali pitanje se odnosilo na imenovanje Upravnog odbora PIO-a, znači, što se tiče imenovanja VD Upravnog odbora PIO-a, sve je urađeno u skladu, znači, sa zakonom o Vladnim ministarskim imenovanjima, zbog toga što kantoni između ostalog tri kantona HNK-a, ZE-DO i TK nisu proveli redovne procedure za izbor članova Upravnog odbora i insinucija je to da sam ja to uradio, samo zato što prema ZE-DO i Tuzlanskom kantonu, samo zato što je tamo vlast, samo zato što je vlast SDA u potpunosti, znači odbacujem, SDA je također vlast u Srednjobosanskom kantonu, u Unskosanskom kantonu, u Hercegovačko-neretvanskom kantonu, što nije znači slučaj, nema nikakve veze sa ovim što je kolega Salko pokušao da insinuira, znači kad se ispune svi uslovi, odnosno provedu sve procedure u skladu sa zadnjim kriterijima, biće imenovan Upravni odbor PIO-a, što nije isključivo samo u mojoj nadležnosti, jer ne imenuje ministar, znači Upravni odbor PIO-a, između ostalog ga imenuje i Vlada Federacije BiH.

Što se mene lično tiče, znači apsolutno nemam nikakve veze sa pomenutim imenom i preizmenom čovjeka koji je imenovan, vjerovatno ne znam niko je i da li je još uvijek na toj funkciji, apsolutno odbacujem sve vaše insinuacije također da se radilo o „naručenim“ saglasnostima što je apsolutno neistina.

PREDSJEDAVAJUĆI:

Hvala lijepo, uvažen je ministar Lokmić, izvolite.

NEDŽAD LOKMIĆ:

Gospodine predsjedavajući, članovi radnog predsjedništva, poštovane poslanice i poslanice Predstavničkog doma Parlamenta Federacije Bosne i Hercegovine, gospođa Baradara - predsjednica Federacije, gospodine Lendo dopredsjedniče, cijenjene kolegice i kolege ministri i ostali prisutni.

Dozvolite mi da u ime Federalnog ministarstva za pitanje boraca invalida odbrameno-oslobodilačkog rata, odnosno invalida i branitelja domovinskog rata, iskažem zadovoljstvo što imam priliku da se obratim ovom Domu.

Zahvaljujem se i na pitanjima koja su danas postavljena i evo, ako dozvolite, kratko ću dati i odgovor na ista. Kao što znate u februaru ove godine je formirana radna grupa za izradu izmjena i dopuna Zakona o pravima boračke populacije sa ciljem uvođenja, eventualnog uvođenja boračkog dodatka. Radna grupa je formirana sa 19 članova, u grupu je imenovan i predsjednik Kampa boraca, koji je nažalost poslije istupio iz radne grupe.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 06-11-2025			
Org. jed.	Broj	Priloga	Vrijednost
05/1	-02-	624	125

Radna grupa je održala 3 sastanka i na zadnjem sastanku iz sredine septembra, ako se ne varam 23. septembra ove godine. Radna grupa je izradila svoj prijedlog, odnosno zahtjev prema Vladi Federacije Bosne i Hercegovine. Predložili su, odnosno, zahtjev je da se sa 1,5 KM ide prema ovom dodatku, odnosno da prijedlog po provedenom mjesecu u Oružanim snagama Bosne i Hercegovine bude 1,5 KM. Na redu je, na potezu je Vlada, dakle svjedoci smo da ovih proteklih sednica nismo imali redovne sjednice Vlade ja ću nastojati da već na narednoj se Vlada očituje oko ovog prijedloga, odnosno zahtjeva, ali evo ako dozvolite još samo par komentara, odnosno obrazloženja.

Svaki posao upuštam se detaljno, a evo podsjetiću da smo već ranije imali šest ili sedam inicijativa za uvođenje ovog boračkog dodatka, iste su odbijane jer se inicijativa kršila sa članom 8. Zakona o Budžetima Federacije Bosne i Hercegovine, dakle nije bilo fiskalne procjene. Zamolio sam da mi se pripreme detaljni podaci i nakon, kroz ide u provedenih podataka, došli smo do cifre od 383.500 ljudi koji bi prema prijedlogu radne grupe trebali ući, odnosno biti uzeti u uvođenje boračkog dodatka 383.500 korisnika. Otkud ova diskrepancija sa ranijim podacima, raniji podaci koji su se svodili na okvirnu cifru od 195 miliona godišnje, bazirani su bili na podacima od cca 200.000 korisnika, dakle izuzetna razlika i, pogotovo nakon ovog konačnog zahtjeva prijedloga radne grupe da to bude i marka i pol, došli smo do sume od 236.700.000 KM koje bi trebali izdvojiti za uvođenje boračkog dodatka. Ponavljam, narednu sjednicu Vlade insistirat ću da i ovaj zahtjev odnosno prijedlog radne grupe bude na dnevnom redu. Vidjet ćemo kako će se Vlada izjasniti.

Ja molim za razumijevanje, za podršku sa svih strana. Sve radimo u interesu boračke, odnosno braniteljske populacije i, naravno, svi bismo bili heroji kada bismo zajedno uspjeli uvesti ove ljude u ovaj zakon.

Radna grupa je održala 3 sastanka i na zadnjem sastanku iz sredine septembra, ako se ne varam 23. septembra ove godine. Radna grupa je izradila svoj prijedlog, odnosno zahtjev prema Vladi Federacije Bosne i Hercegovine. Predložili su, odnosno, zahtjev je da se sa 1,5 KM ide prema ovom dodatku, odnosno da prijedlog po provedenom mjesecu u Oružanim snagama Bosne i Hercegovine bude 1,5 KM. Na redu je, na potezu je Vlada, dakle svjedoci smo da ovih proteklih sednica nismo imali redovne sjednice Vlade ja ću nastojati da već na narednoj se Vlada očituje oko ovog prijedloga, odnosno zahtjeva, ali evo ako dozvolite još samo par komentara, odnosno obrazloženja.

Svaki posao upuštam se detaljno, a evo podsjetiću da smo već ranije imali šest ili sedam inicijativa za uvođenje ovog boračkog dodatka, iste su odbijane jer se inicijativa kršila sa članom 8. Zakona o Budžetima Federacije Bosne i Hercegovine, dakle nije bilo fiskalne procjene. Zamolio sam da mi se pripreme detaljni podaci i nakon, kroz ide u provedenih podataka, došli smo do cifre od 383.500 ljudi koji bi prema prijedlogu radne grupe trebali ući, odnosno biti uzeti u uvođenje boračkog dodatka 383.500 korisnika. Otkud ova diskrepancija sa ranijim podacima, raniji podaci koji su se svodili na okvirnu cifru od 195 miliona godišnje, bazirani su bili na podacima od cca 200.000 korisnika, dakle izuzetna razlika i, pogotovo nakon ovog konačnog zahtjeva prijedloga radne grupe da to bude i marka i pol, došli smo do sume od 236.700.000 KM koje bi trebali izdvojiti za uvođenje boračkog dodatka. Ponavljam, narednu sjednicu Vlade insistirat ću da i ovaj zahtjev odnosno prijedlog radne grupe bude na dnevnom redu. Vidjet ćemo kako će se Vlada izjasniti.

Ja molim za razumijevanje, za podršku sa svih strana. Sve radimo u interesu boračke, odnosno braniteljske populacije i, naravno, svi bismo bili heroji kada bismo zajedno uspjeli uvesti ove ljude u ovaj zakon.

Podsjetiću da je ovo po prvi puta nakon 8-10 godina da se ozbiljnije institucionalno pokušava riješiti ovaj opravdani zahtjev boračke populacije.

Žalosti me kada tamo na pojedinim mrežama, grupama vidimo da je i ovo što radimo, da je to podcjenjivanje boračke populacije. Pojedini predlažu, malo je to, evo moj prijedlog je pet maraka po provedenom mjesecu, pa se čak predlaže imaju pare, uzmite sa onog transfera nižim nivoima vlasti. Dakle, ono što se daje kantonima, 200 ili već koliko miliona maraka.

Ja se nikada ne bih usudio predložiti da moj, recimo, ZE-DO kanton bude i taj ili neki drugi. Dakle, hoću da vas sve skupa zamolim da pokušamo naći kompromisno rješenje da bismo zadovoljili opravdane zahtjeve boračke populacije. Vidjet ćemo kako će se Vlada izjasniti, kakav god da bude odgovor.

Ja ću izvijestiti radnu grupu, pokušat ćemo vidjeti može li se nešto drugo uraditi, možemo li eventualno sa manjim iznosom ići da se samo uđe u taj zakon. Zakon koji će omogućavati eventualno povećanje tih primanja boračke populacije i sve u cilju zadovoljenja njihovih opravdanih zahtjeva. I evo koristit se prilikom da kolegici koja je nezadovoljna odgovorom iz ovog ministarstva, a kad se tiče ovih sudskih presuda, i evo obećavam da ću se lično uključiti da vidimo čemu se radi i šta se može uraditi povodom ovih pomenutih problema.

Nadam se evo da sam barem djelomično zadovoljio vaše pitalje i stojim na raspolaganju za buduću suradnju. Hvala vam lijepo.

PREDSJEDAVAJUĆI:

Hvala ministre. Zaključujem postanički sat. Radi stenograma konstatujem da su sve zastupnicde i zastupnici koji su se prijavili - dobili riječ i govorili.